

OFFERYNNAU STATUDOL CYMRU

2008 Rhif 1806 (Cy.174)

AMAETHYDDIAETH, CYMRU

Rheoliadau Bwydydd Anifeiliaid (Cymru) (Diwygio) 2008

<i>Gwnaed</i> - - - -	7 Gorffennaf 2008
<i>Gosodwyd gerbron Cynulliad Cenedlaethol Cymru</i> - -	9 Gorffennaf 2008
<i>Yn dod i rym</i> - -	30 Gorffennaf 2008

Mae Gweinidogion Cymru yn gwneud y Rheoliadau canlynol drwy arfer y pwerau a roddwyd gan adrannau 66(1), 68(1), 74A ac 84 o Ddeddf Amaethyddiaeth 1970(1).

Cafwyd ymgynghori yn ystod cyfnod paratoi'r Rheoliadau hyn yn unol â gofynion Erthygl 9 o Reoliad (EC) Rhif 178/2002 Senedd Ewrop a'r Cyngor(2) sy'n gosod egwyddorion cyffredinol a gofynion cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd.

Enwi a Chychwyn

1.—(1) Enw'r Rheoliadau hyn yw Rheoliadau Bwydydd Anifeiliaid (Cymru) (Diwygio) 2008 a deuant i rym ar 30 Gorffennaf 2008.

(2) Mae'r Rheoliadau hyn yn gymwys o ran Cymru.

Diwygio Rheoliadau Bwydydd Anifeiliaid (Cymru) 2006

2.—(1) Mae Rheoliadau Bwydydd Anifeiliaid (Cymru) 2006(3) wedi'u diwygio'n unol â pharagraffau (2) a (3).

(2) Yn nheitl testun Cymraeg Atodlen 7 mewnosoder “ac a fwriedir” ar ôl “a ganiateir”.

(3) Ym Mhennod A o Atodlen 7 (bwydydd anifeiliaid a ganiateir ac a fwriedir at ddibenion maethiadol penodol a darpariaethau ynghylch eu defnyddio), yn lle'r eitemau ynghylch lleihau'r risg o dwymyn llaeth, rhodder yr eitemau a nodir yn yr Atodlen i'r Rheoliadau hyn.

(1) 1970 p.40. Mae adran 66(1) yn cynnwys diffiniadau o'r ymadroddion “the Ministers”, “prescribed” a “regulations”; Diwygiwyd y diffiniad o “the Ministers” gan Orchymyn Trosglwyddo Swyddogaethau (Cymru) (Rhif 1) 1978 (O.S.1978/272), Atodlen 5, paragraff 1. Trosglwyddwyd swyddogaethau “the Ministers”, i'r graddau y maent yn arferadwy o ran Cymru, i Gynulliad Cenedlaethol Cymru gan O.S. 1999/672 a throsglwyddwyd hwy wedi hynny i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (p.32). Mewnosodwyd adran 74A gan Ddeddf y Cymunedau Ewropeaidd 1972 (p. 68), Atodlen 4, paragraff 6.

(2) OJ Rhif L31, 1.2.2002, t.1, fel y'i diwygiwyd ddiwethaf gan Reoliad (EC) Rhif 575/2006 (OJ Rhif L100, 8.4.2006, t.3).

(3) O.S. 2006/116 (Cy. 14), fel y'i diwygiwyd gan O.S. 2006/617 (Cy. 69), O.S. 2006/2928 (Cy. 263), O.S. 2006/3256 (Cy. 296) ac O.S. 2007/3171 (Cy. 277).

Statws *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*

7 Gorffennaf 2008

Gwenda Thomas
O dan awdurdod y Gweinidog dros Iechyd a
Gwasanaethau Cymdeithasol, un o Weinidogion
Cymru

YR ATODLEN

Rheoliad 2(2)

Yr eitemau sydd i'w rhoi yn lle'r eitemau ynghylch lleihau'r risg o dwymyn llaeth yn Atodlen 7 i Reoliadau Bwydydd Anifeiliaid (Cymru) 2006

Particular nutritional purpose	Essential nutritional characteristics	Species or category of animal	Labelling declarations	Recommended length of time for use	Other provisions
Reduction of the risk of milk fever	— Low level of calcium	Dairy cows	— Calcium	1 to 4 weeks before calving	Indicate in the instructions for use: “Stop feeding after calving”
			— Phosphorus		
			— Magnesium		
	and/or		— Calcium	1 to 4 weeks before calving	Indicate in the instructions for use: “Stop feeding after calving”
	— Low cations/anions ratio	— Phosphorus	— Sodium		
		— Potassium	— Chlorides		
		— Sulphur			
	or		Content of synthetic sodium aluminium silicate		
	or				

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Particular nutritional purpose	Essential nutritional characteristics	Species or category of animal	Labelling declarations	Recommended length of time for use	Other provisions
	— High level of calcium in the form of highly available calcium salts		Total calcium content, sources and respective quantity of calcium	From first signs of parturition to 2 days after parturition	Indicate on the package, container or label: — The instructions for use, i.e. the number of applications and the time before and after calving; — The text “It is recommended that a nutritional expert’s opinion be sought before use”

EXPLANATORY NOTE

(Nid yw'r nodyn hwn yn rhan o'r Rheoliadau)

1. Mae'r Rheoliadau hyn yn diwygio ymhellach Reoliadau Bwydydd Anifeiliaid (Cymru) 2006 (O.S. 2006/116 (Cy.14)) fel y'u diwygiwyd eisoes gan O.S. 2006/617 (Cy.69), O.S. 2006/2928 (Cy.263), O.S. 2006/3256 (Cy.296) ac O.S. 2007/3171 (Cy.277) (“y Rheoliadau Bwydydd Anifeiliaid”).

2. Mae'r Rheoliadau hyn yn darparu ar gyfer gweithredu Cyfarwyddeb y Comisiwn 2008/4/EC sy'n diwygio Cyfarwyddeb 94/39/EC ynghylch bwydydd anifeiliaid sydd wedi'u bwriadu i leihau'r risg o dwymyn llaeth (OJ Rhif L6, 10.1.2008, t.4).

3. Mae'r Rheoliadau yn diwygio'r tabl yn Atodlen 7 (bwydydd anifeiliaid a ganiateir ac a fwriedir at ddibenion maethiadol penodol a darpariaethau ynghylch eu defnyddio) i'r Rheoliadau Bwydydd Anifeiliaid, drwy roi yn lle'r eitemau presennol, sy'n ymwneud â lleihau'r risg o dwymyn llaeth, yr

eitemau diwygiedig a gynhwysir yng Nghyfarwyddeb y Comisiwn 2008/4/EC. Mae'r Gyfarwyddeb hon yn caniatáu, a hynny'n ddarostyngedig i ofynion labelu penodedig, i ddau fath ychwanegol o fwyd deietegol i anifeiliaid gael eu marchnata i leihau'r risg o dwymyn llaeth mewn buchod godro.

4. Mae'r Rheoliadau hyn hefyd yn cywiro gwall yn nhestun Cymraeg y Rheoliadau Bwydydd Anifeiliaid (rheoliad 2(2)).

5. Nid oes asesiad effaith rheoleiddiol wedi'i baratoi ar gyfer y Rheoliadau hyn.